

დანართი N6

ანალოგიური სამუშაოების მიწოდების გამოცდილების დამადასტურებელი დოკუმენტების ჩამონათვალი და მათი წარმოდგენისას გასათვალისწინებელი მოთხოვნა:

ა) ანალოგიური სამუშაოების მიწოდების გამოცდილების დამადასტურებელი დოკუმენტები: წარმოდგენილი უნდა იყოს:

1) კომპონენტით N1 გათვალისწინებული შინაარსის მომსახურების მიწოდების შესახებ გაფორმებული დასრულებული ხელშეკრულება.

2) კომპონენტით N1 გათვალისწინებული შინაარსის მომსახურების მიწოდების შესახებ გაფორმებული მიწოდების დამადასტურებელი დოკუმენტები შემდეგი პირობით:

2.1.) იმ შემთხვევაში თუ კომპონენტით N1 გათვალისწინებული მომსახურების შესყიდვა განხორციელებული არის სახელმწიფო შესყიდვების ერთიანი ელექტრონული სისტემის გამოყენებით და მომსახურების შესყიდვისა და მიწოდების დამადასტურებელი დოკუმენტები ატვირთული არის სახელმწიფო შესყიდვების ერთიან ელექტრონულ სისტემაში, შესაძლებელია წარმოდგენილი იყოს ან ინფორმაცია სახელმწიფო შესყიდვების ერთიან ელექტრონულ სისტემაში შესყიდვის ნომრის (SPA, CON, NAT, CMR) შესახებ ან მიღება-ჩაბარების აქტი.

2.2.) იმ შემთხვევაში თუ კომპონენტით N1 გათვალისწინებული შინაარსის მომსახურების შესყიდვა განხორციელებული არის სახელმწიფო შესყიდვების ერთიანი ელექტრონული სისტემის გამოყენების გარეშე, წარმოდგენილი უნდა იყოს კომპონენტით N1 გათვალისწინებული მომსახურების მიწოდებაზე დამკვეთის (შემსყიდველი) მიერ დადასტურებული წერილობითი ინფორმაცია შესყიდვის ობიექტის შინაარსის, ხელშეკრულების რეკვიზიტების, მიწდებული მომსახურების ღირებულებისა და მომსახურების დასრულების თარიღის მითითებით, წერილობითი ინფორმაცია გაცემული უნდა იყოს წინამდებარე ელექტრონული ტენდერის გამოცხადების თარიღის შემდეგ.

3) კომპონენტით N2 გათვალისწინებული შინაარსის სამუშაოს მიწოდების შესახებ გაფორმებული დასრულებული ხელშეკრულება.

4) კომპონენტით N2 გათვალისწინებული შინაარსის სამუშაოს მიწოდების შესახებ გაფორმებული შესრულებული სამუშაოების უწყის(ებ)ი ე.წ. ფორმა N2 შემდეგი პირობით:

4.1.) იმ შემთხვევაში თუ კომპონენტით N2 გათვალისწინებული შინაარსის სამუშაოს შესყიდვა განხორციელებული არის სახელმწიფო შესყიდვების ერთიანი ელექტრონული სისტემის გამოყენებით და სამუშაოს შესყიდვისა და მიწოდების დამადასტურებელი დოკუმენტები, კერძოდ შესრულებული სამუშაოების უწყისები (ე.წ. ფორმა N2) ატვირთული არის სახელმწიფო შესყიდვების ერთიან ელექტრონულ სისტემაში, შესაძლებელია წარმოდგენილი იყოს ან ინფორმაცია სახელმწიფო შესყიდვების ერთიან ელექტრონულ სისტემაში შესყიდვის ნომრის (SPA, CON, NAT, CMR) შესახებ ან მიღება-ჩაბარების აქტი.

4.2.) იმ შემთხვევაში თუ კომპონენტით N2 გათვალისწინებული შინაარსის სამუშაოს შესყიდვა განხორციელებული არის სახელმწიფო შესყიდვების ერთიანი ელექტრონული სისტემის გამოყენების გარეშე, წარმოდგენილი უნდა იყოს კომპონენტით N2 გათვალისწინებული სამუშაოს მიწოდებაზე დამკვეთის (შემსყიდველი) მიერ დადასტურებული შესრულებული სამუშაოების უწყისი ე.წ. ფორმა N2, ასევე შესრულებულ სამუშაოების უწყისებთან ერთად დამკვეთის (შემსყიდველი) მიერ დადასტურებული წერილობითი ინფორმაცია შესყიდვის ობიექტის შინაარსის, ხელშეკრულების რეკვიზიტების, მიწდებული სამუშაოს ჯამური ღირებულებისა და სამუშაოს დაწყებისა და დასრულების თარიღის მითითებით, წერილობითი ინფორმაცია გაცემული უნდა იყოს წინამდებარე ელექტრონული ტენდერის გამოცხადების თარიღის შემდეგ.

5) იმ შემთხვევაში თუ კომპონენტით N1 ან კომპონენტით N2 გათვალისწინებული მომსახურება ან სამუშაო მიწოდებული არის ერთობლივი საქმიანობის ხელშეკრულების ფარგლებში ამხანაგობის ან ერთობლივი საწარმოს ან სხვა გაერთიანების მიერ და წინამდებარე ელექტრონულ ტენდერში მონაწილეობას იღებს ერთობლივი საქმიანობის ხელშეკრულებით გათვალისწინებული გაერთიანების (ამხანაგობა ან ერთობლივი საწარმო ან სხვა გაერთიანება), რომელიმე მონაწილე თავისი სახელით დამოუკიდებლად, პრეტენდენტმა დამატებით უნდა წარმოადგინოს დამკვეთის (შემსყიდველი) ან ერთობლივი საქმიანობის ხელშეკრულებით გათვალისწინებული ყველა მონაწილის მიერ დადასტურებული დოკუმენტაცია ან ინფორმაცია, რომელშიც მითითებული იქნება თუ რა შინაარსისა და ღირებულების მომსახურება ან სამუშაო არის მიწოდებული წინამდებარე ელექტრონულ ტენდერში მონაწილე პრეტენდენტის ან ამხანაგობაში შემავალი პირის მიერ.

ბ) კომპონენტით N1 და კომპონენტით N2 გათვალისწინებული მომსახურებისა და სამუშაოს მიწოდების გამოცდილების დამადასტურებელი დოკუმენტების წარმოდგენისას გასათვალისწინებელი მოთხოვნა:

1) კომპონენტით N1 და კომპონენტით N2 გათვალისწინებული შინაარსის მომსახურება და სამუშაო მიწოდებული უნდა იყოს დასრულებული ხელშეკრულებების ფარგლებში და პრეტენდენტის მიერ წარმოდგენილი მიწოდების დამადასტურებელი დოკუმენტების ან ინფორმაციის თანახმად უნდა დგინდებოდეს, რომ პრეტენდენტს სრულად აქვს შესრულებული ხელშეკრულებით გათვალისწინებული მომსახურება ან სამუშაო და აღნიშნული დადასტურებულია დამკვეთის მიერ.

შენიშვნა:

იმ შემთხვევაში თუ პრეტენდენტის მიერ წარმოდგენილი დოკუმენტაციის ან ინფორმაციის თანახმად ვერ დგინდება, რომ წარმოდგენილი ხელშეკრულებების ფარგლებში კომპონენტით N1 გათვალისწინებული მომსახურება ან კომპონენტით N2 გათვალისწინებული შინაარსის სამუშაო სრულად არის დასრულებული, წარმოდგენილი უნდა იყოს დამკვეთის (შემსყიდველი) მიერ გაცემული წერილობითი ინფორმაცია, რომელშიც მითითებული უნდა იყოს - ხელშეკრულების საგანი, შესრულებლის დასახელება, შესრულებული მომსახურების ან სამუშაოს საბოლოო

ღირებულება და მომსახურების ან სამუშაოს დასრულების თარიღი. წერილობითი ინფორმაცია გაცემული უნდა იყოს წინამდებარე ელექტრონული ტენდერის გამოცხადების თარიღის შემდეგ.

2) შესრულებული სამუშაოს უწყის(ებ)ის თანახმად უნდა იყოს შესაძლებელი თითოეული სამუშაოს დასახელების, მოცულობის, ერთეულის ფასებისა და საერთო ფასის განსაზღვრა.

შენიშვნა:

ფორმა N2 არის პირობითი დოკუმენტი შესაბამისად ფორმა N2-ის ნაცვლად შესაძლებელია წარმოდგენილი იყოს მოთხოვნილ ინფორმაციის მომცველი ნებისმიერი დოკუმენტი.

3) გამოცდილების დამადასტურებელი დოკუმენტები სავალდებულოდ დამოწმებული უნდა იყოს პროექტის დამკვეთის (შემსყიდველი) უფლებამოსილი წარმომადგენლის მიერ, შედგენილი და წარმოდგენილი უნდა იყოს ისე, რომ სატენდერო კომისიამ შეძლოს კომპონენტით N1 და კომპონენტით N2 გათვალისწინებული შინაარსის მომსახურებაზე და სამუშაოებზე განსაზღვრული ყველა მოთხოვნის შეფასება.

შენიშვნა:

იმ შემთხვევაში, თუ პრეტენდენტის მიერ წარმოდგენილი ინფორმაცია/დოკუმენტები ფორმალურად შეესაბამება შემსყიდველის მიერ მოთხოვნილს, მაგრამ მათი შინაარსიდან ან წარმოდგენის ფორმიდან გამომდინარე, მათი მეშვეობით მკაფიოდ ვერ დგინდება ის მონაცემები, რომელთა გაგების მიზნითაც იყო ისინი მოთხოვნილი, სატენდერო კომისია უფლებამოსილია, მოსთხოვოს პრეტენდენტს დამატებითი ინფორმაციის ან/და დოკუმენტების წარმოდგენა.

4) უცხო ქვეყანაში მიწოდებული მომსახურების ან სამუშაოების გამოცდილების დამადასტურებელი დოკუმენტების წარმოდგენის შემთხვევაში აღნიშნული დოკუმენტ(ებ)ი დამოწმებული უნდა იყოს სათანადო წესით (ლეგალიზებული ან აპოსტილით დამოწმებული).

5) ტენდერთან დაკავშირებული ყველა დოკუმენტი ან/და ინფორმაცია მათ შორის ანალოგიური სამუშაოების მიწოდების დამადასტურებელი დოკუმენტები წარმოდგენილ უნდა იყოს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

6) კომპონენტით N1 და კომპონენტით N2 გათვალისწინებული შინაარსის მომსახურებისა და სამუშაოს მიწოდებაზე გაფორმებული ნებისმიერი დოკუმენტი (ხელშეკრულება და აღნიშნული ხელშეკრულების ფარგლებში მიწოდებულ მომსახურებაზე ან სამუშაოზე გაფორმებული მიწოდების დამადასტურებელი დოკუმენტები) წარმოდგენილი უნდა იყოს იმ ფორმით, რა ფორმითაც განხორციელდა მათი გაფორმება.